

**Clâsse 605 - Secondary - Individual - Set Piece - 3rd Years**

L'ABC pour les mousses (et les adultes etout)  
par Geraint Jennings

**A** ch'est pour l'Amour  
Qu'j'avons pour not' île

**B** ch'est pour lé Bouais.  
Et les biaux frits qu'nou tchil'ye

**C** ch'est pour lé Cat,  
Confortabl'ye au coin d'âtre

**D** ch'est pour l'Docteu  
Tchi opéthe au thiâtre

**E** ch'est pour l'Étaile  
Tchi lit si cliai dans l'ciel

**F** ch'est pour la Fielle  
Tchi craît si vèrte et belle

L'ABC for children (and adults too)  
by Geraint Jennings

**A** is for the Love  
That we have for our Island

**B** is for the Trees  
And the beautiful fruits that one picks

**C** is for the Cat  
Comfortable on the corner of the hearth

**D** is for the Doctor  
Who operates in the theatre

**E** is for the Star  
That shines so bright in the sky

**F** is for the Leaf  
That grows so green and beautiful

**Clâsse 605 - Secondary - Individual - Set Piece - 3rd Years**

**G** ch'est pouor lé Gardîn,  
Remplyi dé pliantes et bouais

**G** is for the Garden  
Full of plants and trees

**H** ch'est pouor l'Hivé,  
Quand i' fait si froid

**H** is for the Winter  
When it is so cold

**I** ch'est pouor l'leau  
Qu'nou vait entouor Jèrri

**I** is for the Water  
That we see around Jersey

**J** ch'est pouor Jèrri  
Et ch'est ichîn qué j'sis

**J** is for Jersey  
And it is here that I am

**K** ch'est pouor lé Kangarou  
Qu'nou n'vait qu'en Australie

**K** is for the Kanagaroo  
That we only see in Australia

**L** ch'est pouor lé Liet:  
Nou-s-y dort coumme un pourpais

**L** is for the Bed  
We sleep there like a porpoise

**Clâsse 605 - Secondary - Individual - Set Piece - 3rd Years**

**M** ch'est pouor la Maïson  
Où'est qu'nou-s-est siez-sé

**M** is for the House  
Where we are home

**N** ch'est pouor la Né  
Tchi n'tchait qu'rarement siez nous

**N** is for the Snow  
Which rarely falls here at home

**O** ch'est pouor l'Ouaîsé  
Tchi est si p'tit et doux

**O** is for the Bird  
That is so small and sweet

**P** ch'est pouor la Patate  
Tchi est, siez nous, Rouoyale

**P** is for the Potato  
That is, from here, Royal

**Q** ch'est pouor lé Quétot:  
Mais est-i' vraiment sale?

**Q** is for the baby Pig  
But is really dirty?

**R** ch'est pouor la Reine  
Tchi règne sus nous heutheuse

**R** is for the Queen  
Who reins happy over us

**Clâsse 605 - Secondary - Individual - Set Piece - 3rd Years**

**S** ch'est pour l'Solé

Tchi caûffe nos grèves sablieuses

**S** is for the Sun

Which warms our sandy beaches

**T** ch'est pour la Tchaîse

Où'est qu'nou s'aime s'èrposer

**T** is for the Chair

Where we like to rest

**U** ch'est pour l'Us

Qu'nou freunme auve eune clié

**U** is for the door

That we close with a key

**V** ch'est pour la Vaque

Tchi nos donne dé bieu lait

**V** is for the Cow

Which gives us beautiful milk

**W** ch'est pour l'Whisky

Qu'aiment les Écossais

**W** is for Whisky

Liked by the Scottish

**X** ch'est pour l'X-ray

Qu'nou-s'èrchait à l'Hôpita

**X** is for the X-ray

That we receive at the Hospital


Clâsse 605 - Secondary - Individual - Set Piece - 3rd Years

**Y** ch'est pour l'Yi  
Tchi voit tout ch'qu'i' y'a

**Z** ch'est pour lé Zèbre:  
Un tchuthieux anima  
Tchi finnit l'ABC  
Qu'j'espéthe est sîmpl'ye pour té!

**Y** is for the Eye  
That sees everything that there is

**Z** is for the Zebra  
A curious animal  
Which finishes the ABC  
That I hope is simple for you!



Go to the Learn Jèrriais website to find the audio version of these...

[www.learnjerriais.org.je](http://www.learnjerriais.org.je)

